

翊聖保德傳卷下

陸三

刻聖保德傳卷下

陞三

宋開府儀同三司同中書門下平章事上柱國太原郡開國公王欽若奉詔編集

自

真君之臨降官吏民庶不遠千里或馳誠遙
禱或齋潔朝拜以祈真受時有所聞大抵多

隨其性習加以訓勗人臣依於忠人子依於
孝清淳者示之格言貪酷者警以要道詞甚
平易頗叶音韻然獲聞之者至寡今據其所
傳錄之如左

乾德中驪山白鹿觀道士馮洞元朝禮之次

焚香虔告曰洞元講孔子之書依老子之教
積有年矣而修身鍊行未得真旨幸逢

上聖敢求一言

真君降言曰到境始知安形忙靈物閑真空
須照達幽微即大還動觀無障礙希夷合自

陞三

然功成神莫測變化可沖天去住由自己三
官赦舊愆命曹除罪簿六丁奏上天衆生要
修道須知无上源洞元百拜虔謝而去開寶
中侍御史路沖奉詔知鳳翔府就宮禮請守
真就府署中陳醮祈降是夕潔齋致禱曰沖

身拘職守阻拜真儀輒以蘋藻虔祈降鑒乞
賜真語以導蒙昧

真君降言曰盡力事君以為忠臣濁財勿顧
邪事莫聞整雪刑獄救療人民動合王道終
為吉人積愆為咎必有沈淪衆生本無形之

性配有形之軀曠劫以來不能自悟自有无
極世界不夜之鄉混合太虛杳冥同理又曰
六合乾坤內衆生多不會造業向前行如盲
鷲江海如將智惠觀自越千重海沖再拜錄
而誦之左補闕王龜從一日齋心詣宮焚香

懋禱曰凡庸賤類釁咎無涯幸逢上真願賜
靈誨如何修身得獲遐壽

真君降言曰勸汝修煉莫如精勤精勤不怠
上聖皆聞太平降世用武興文無文則不正
用文則益君食祿利勿違王命行吉善但守

陞三

二

清貧清貧者響合天地濁富者像火投冰投
冰者火緣漸滅積惡者自貫其身自貫者殃
及七祖地府下痛害及親吾懸千尺之索提
釣有緣之人道之尊德之貴大道能生一切
物衆生頭像天足像地中心空然合真理鑿

戶牖以為室房室之中有一物亦無影亦無
形杳杳冥冥人不識若能識者得長生陽在
天陰在地二氣同和誠有謂空中造化乃自
然自然之中生萬類天不高地不卑大道混
合虛无理學道衆生審欲聞此是修行崇妙
門開寶中丞相沈倫嘗連綿卧疾虔心遣使
詣宮陳醮致告曰倫濁穢之質病惱所侵如
何修行得免茲患敢祈聖語以導愚蒙
真君降言曰靈物不病形軀自安形軀有病
返照而看來人錄之歸致於倫倫捧覽之

喜曰吾得之矣尋而疾愈復遣人詣宮醮謝
道士王德淵因遊終南山寓止宮中勤奉香
火好養生而性褊多所恚怒忽一日

真君降言謂之曰汝學道修真先當調習其
性以順天和忘諸有為勿耗心識融怡凝湛

陸三

三

道乃可見復戒之曰莫管內莫管外來往真
虛无罣礙所居安樂是汝家各自勤行莫相
待先達之人難滯礙真空妙樂有天堂與聖
相同滅諸罪又曰妙理須行到周旋皆合道
舉措見真空真空無煩惱混合太虛中自有

無聲樂地爐天竈間背凡歸聖道常將智慧
觀可向今生了德淵曰上感
真君降言教示不曉前篇內與聖相同滅諸
罪願垂誨諭

真君曰汝若除煩入靜鍊心修真積累其功
數盈之後泥凡百節元神靈通而自同於聖
天堂妙樂無所不至豈更有諸罪也故言與
聖相同滅諸罪太平興國中駕部員外郎李
鑄嘗知鳳翔府備觀靈應俄復奉詔監宮凡
十餘年志頗嚴潔

真君前後降語僅十餘篇其存錄者數首一
曰建隆之初方稟希夷
上帝命吾衆聖皆知乘龍下降列宿相隨五
嶽受命主張地祇潛扶社稷密佐明時吾要
李鑄知吾降期不得輕泄免漏天機又曰與

吾獨異佐國與吾以道理民與吾慈善理家
與吾不飲自醉醒時理民醉時理神此語是
延年益壽之法吾勸府主記取又曰為官求
理在貞明智惠俱通臨事清觀天行道合陰
德食君爵祿常若驚為吾洗心復換骨背凡

入聖奔長生天宮快樂勝凡世不夜之鄉挂
一名又曰府主累世為人降生中國與吾清
直莫行邪曲與吾積善累功與吾佐輔明主
與吾洗雪黎民與吾掛心刑獄上帝若知名
天官也剋取捨住世輪流之財但修取有形

陸三

四

之像獲隨身之功得无量之福與吾不得因
循不奈時光迅速靈官賞汝功勳天曹與汝
添福若一一依吾聖言必得延年益壽又曰
年登七十餘住世不久居饒君壽百歲問汝
得幾秋地府直須怕冥司難請求有功無驚

懼積罪必遭誅子孫難替代早覺莫癡愚又
曰有緣無緣福業相牽有緣福至無緣業纏
三業大罪信根不圓若遵吾語如倚太山又
曰聽吾之言必延汝年亦將康健保安自然
志誠不退修真理今生若在

玉皇前又曰為汝虔心星辰下降來駕於玄
風去乘於法雨開盲愚之耳目迴積惡之人
心盡歸投正路因汝醮告上玄惡人盡來歸
敬此汝之功也吾已與汝聞於

上帝俾汝獲福也汝宜清者重清白者重白

明者重明勿初勤末怠中路變異迴清為濁
迴善為惡設靈官奏聞

上帝若知有誤於吾也又七月十日夜真君
降言汝忠勤奉

國惠愛治民更要用心勿違吾誠未遇吾之

陸二

五

前所作諸惡吾與汝並銷除也遇吾之後況
無諸業左右已錄汝功也更須晨夕與吾積
其善功勿得怠惰吾聖言也又曰但行

王事洗雪冤沉常差靈官護助汝也或有諸
事常行平正依吾聖言況是太平君治化諸

事前程汝但莫憂又云托托莫憂煩軍府自
然安每事依王道從他天下傳又曰為主虔
誠拜上玄

宋朝社稷保長安不久太平天下樂一家受
福管長安又曰為主合虔誠將心助太平天
宮繫其職每事更宜精衆聖皆知汝舉措直
須驚馬一朝功滿後永住看三清又曰生前莫
亂憂已後亦無愁主判陽間事凡人得幾秋
但依聖言著長生天上求鑄每受一篇未嘗
不晨夕諷誦焉又嘗謂鑄曰汝年及八十別

無修鍊之功未免掩形升魂亦當有所主掌
耳鑄再拜曰此生得遇上真下降屢受祕語
他日儻獲主掌願與守真同列
真君曰人間官職守真不及汝天上名位汝
不及守真也但心歸真正升仙階亦有時矣

淳化中西京留守中書令趙普嘗遣使備禮
致醮虔祈願聞休咎

真君降言曰趙普扶持社稷甚有功勲上天
所知賜汝福壽以大妨小幽府亦有冤對當
啓誦真經告祈天地首懺前非吾亦與汝達

于上帝庶解茲咎汝官職壽數已有限矣其
使錄之而去普跪讀感涕因焚詞謝過復遣
人詣宮醮設給事中參知政事實黃中嘗遣
人投誠致禱以祈聖誨

真君降言曰

陸二

聖主命臣臣之事君道佐當代心依古人善
惡無隱姦邪必聞君臣合道可立功勲又曰
愛民用心賞罰平等但依吾語合家保安殿
中丞張卓嘗乞

六

聖言真君曰

大道養汝性陰陽生汝身為吾勤行道為吾
勤修真公廉常用意憂恤在乎民遇時佐
明主清濁

上帝聞濁富終不久清貧為天人莫教人道
富從他人笑貧自有真家富清高不愧貧又
曰形凡性不凡為國顯清廉家積千餘口有
罪自家擔又曰但服陽和氣天竈再重蒸地
爐別有用道德日日新延命積福應真空若
至親虛無有妙理度脫有緣人道士周務本

嘗詣宮奏詞一通乞降真語

真君降言曰汝有詞言慕上天其如心意隔
關山仙宮不遠如指掌內外功夫全未圓陰
官察錄無遺過免墮艷都數百年依吾所語
合吾道要履三清應不難張守真子元濟常
齋戒詣宮

陞三

七

真君降言曰汝父守真遭逢於吾故令子孫
受福汝豈不知信州龍虎山張道陵至今子
孫不絕亦逢於

上聖得道之後廢及後世汝亦於吾有緣直
須在家孝於父母食祿忠於帝王立身揚名

豈非好事又誨之曰無事莫街行勤學必立
名揚名在天下道廕有長生又誠曰為過自
家知善惡日相隨分明違天道問汝阿誰癡
淳化中

真君降言示守真曰當今顯聖明修德動
三清上天歸正道四海息交兵八方欽睿聖
五穀盡收成勸君須修德

上帝賜長生又曰關西賊寇緣應時數官家
須指揮招捉使臣莫殺平人

官家修德之際正賊須翦滅又嘗降言誠輔

道士曰千人心不同萬人心皆錯舉意不相
通與聖難相約耳莫絲乎人又試曰過目
真君又嘗降言戒官吏等曰每存忠信齊其
天文武班行自有賢為主萬年安基業常憂
黎庶恐飢寒長行德行合其道燒香虔祝告

虛玄但願

國安

君長久齊心輔佐太平年又嘗降言戒朝臣
等曰擎天之柱著功勳包羅大海佐

明君文王治世及堯日輔弼乾坤在忠臣為

主直須行決烈死生齊却戴皇恩常行言善
合其德慎終如始莫憂身

進

翊聖保德真君事迹表

臣欽若言臣聞

陞三

高穹眷命

元聖膺期必有

至神聿彰幽贊謨訓標於保乂雅頌載於監
觀考今古之冥符見

天人之交感臣欽若誠慶誠抃頓首頓首

伏以

靈源錫羨

炎德嗣興

景祚有開

丕徵允赫

玉晨之元輔奉

金闕之明威降精爽不貳之民顯陰陽莫測

之造佐

大邦之啓運告

神宗之紹圖兆自幾先聳乎聞聽由是增隆

華飢茂薦

徽稱

鉅典崇嚴

純禧響答乃至搢紳卿士橫目烝黎稽首以
瞻粹容洗心以佇

陸三

九

靈誥隨其性之遠近視其器之淺深時亦戒
以徽音警其蒙惑

諄諄之誨咸洞其隱微蚩蚩之氓潛識其
真正或魑魅為孽夏鼎之所未刊或膏肓致
妖秦醫之所難究亦復俯聆虔懇遙授指蹤

真教猥臨羣邪必珍窈冥之象既炳於人寰
颺歛之遊亟還於

霄極永載

苾芬之祀潛施

睽枯之祥凡厥


祕言悉存舊錄將伸論次以示方來敢謂微

臣猥蒙明詔齋精仰誦盟手兢持莫覓淵冲

粗伸紬繹竊念

上真之茂躅實為

昭代之明徵豈夫庸瑣之才輒敢形容其事



伏望

崇文廣武儀天尊道寶應章感
聖明仁孝皇帝陛下垂旒注覽

援翰擒文

賜名以紀

芳蕤

作序以冠篇首式彰

寅奉永耀

洪休臣無任瞻

天望



聖戰汗屏營之至其所錄成

翊聖保德真君事迹三卷謹隨表上進以
聞臣欽若誠惶誠懼頓首頓首謹言

開府儀同三司同中書門下平章事上柱國太原郡開國公臣王欽若表

批答

陞三

省表具之夫妙道為大本於若沖至神無方

十

昭乎善應惟

玉虛之元輔冠瓊簡之真階幽贊財成亶彰
陰隲當藝祖之受命降福壤而炳靈逮

文考之紹休告

帝期而啓兆式申美報肇建殊庠奉攘禮之
嚴科介蒼黔之丕祉若乃夷微委鑿矜蠻攸
憑示諄誨以惟勤昭明威而匪測恍兮之應
猶響冷然之馭亟旋自朕纂承寅加崇奉嚴
睟儀於恭館薦嘉號於元都念祕誥之具存
表格思之攸盛期於綜緝以耀休徵卿佳冠
樞衡道熙邦采雅資博洽庶就編聯而能紬
緗帙以惟精封縹囊而來上懇求製序復冀
命名載循淺昧之辭曷叙直聰之烈勉從勤
請良積覲敷嘉尚之懷寤興無捨所請宜依

崇寧三年四月十八日使命到宮齋降到
真君加號

勅誥誥曰門下惟皇

上帝粵有輔臣以赫厥靈終南之下屢膺景
貺增煥褒章

陞三

上

翊聖保德真君降言於建隆之初顯告於開
寶之末大庇下土衛我家邦作宮奉祠昭答
如響顧眇質之誕育寔欽慈之密祈吉事有
祥敢忘美報夫至誠能感克應乃享所儲維
何萬世之慶合為丕號申命用休朕典

神天永緝熙于純嘏鳳翔府上清太平宮翊
聖保德真君可特加翊聖應感儲慶保德真
君

翊聖保德傳卷下



